

17.11.2020

UKA2020/113

Qimmit qimuttut Qeqertarsuarmiittut 2017 kingorna piaqqiaasut tamarmik DNA-kkut misissortinnissaannik Naalackersuisut peqquneqarnissaannik Inatsisartuni aalajangiiffigisassatut siunnersuut. DNA-kkut misissuinerup takutissavaa qimminik akusaqalersimansoq. Naalackersuisut peqquneqassapputtaaq qimminik akusanik nassaartoqarpat, qimmimik akusamik piginnittoq qimmiutini akusaasoq toqukkusunneraa paasiniassallugu.

(Inatsisartunut ilaasorta, Doris J. Jensen, Siumut)

Inatsisartut aalajangiiffigisassaattut siunnersuut siunnersuuteqartumut Doris J. Jensenimut qujalluta Siumumiit ima ittumik oqaaseqaateqassuugut.

Qimmeq qimuttoq qangarsuaaniilli inuunitsinnut akuulluinnartoq nunatsinniinnarnitsinnut tunngavissiisut ilagaat. Qimmeq sunut tamanut inuunitsinnut akuulluinnarpoq. Angallatitut, piniutitut, inuussutissarsiutitut allarpassuarnullu atugaraarput.

Siumumiit pingaartitaraarput Qimmip qimuttup, aamma kalaallit qimmiannik taajukkatta akutsaaliorneqarnissaa, taamaattumillu qimminik qimuttunik allamiullu qimmiinik akutsaaliuinissamik inatsimmik siuttuusimavugut. Qimminimmi allamiut qimmiinik qaasuitsup killeqarfiata avannaanut eqqussineq inerteqqutaalluinnarpoq.

Tamannali unioqqutinneqarsimasoq siornakkunni paasiniaanerit takutippaat. Tassa Qeqertarsuami qimmit ilaata DNA-kkut misissortinneratigut inernerit takutippaat allamiut qimmiannik akusaasoq. Taamaaliorneq akuersarneqarsinnaangilaq. Naalackersuisut akissuteqaatiminni saqqummiuppaat inatsimmi maanna atuuttumi inatsisitigut tunngavissaqanngittoq pingitsaaliilluni qimmit DNA-annik misissuisinnaaneq, taamaattumillu siunnersuut itigartitsissutigineqassasoq inassutigaat. Siumumiit isumaqarpugut Qeqertarsuarmiut qimmimik akusaannginnerat uppersarniarlugu misissortissinnaanerit neqeroorutaasariaqartoq. Massakkummi Qeqertarsuarmiut qimmiutillit unammiaarnernut tamanut nunatsinni ingerlanneqartunut mattusaaqqapput, qimmeq illersorniarutsigu Qeqertarsuarmiut qimmii aamma iliuuseqarfigisariaqarpavut.

Inuiaqatigiittut ileqqutigut illersortariaqarpagut. Taamaattumik inuiaqatigiittut tamatta inatsisunik unioqqutitsisoqaraangat piaartumik aqutit eqqortut atorlugit unnerluussisariaqartarpugut. Taamaattumik naalackersuisut kaammattorpagut qimmit qimuttut pillugit inatsit nalimmassassagaat, qimminik allamiut qinniimik akusisoqarneranik pasitsaassisoqartillugu pinerluttaalisitsisut akulerussinnaanngortillugit.

Siunnersuummi siunertarineqartoq paasisinnaalluarparput. Taamaattumik Siumumiit siunnersuut aappassaaneerneqartinnani Kultureqarnermut ataatsimiitsitaliami sukumiisumik suliarineqarnissaa inassutigaaqarput.

Jens Danielsen, Siumut